



## Universitätsbibliothek Paderborn

### **Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum**

Pars Altera Decisionum Practicarum Casuum Conscientiæ Selectorum In  
Praxi, Et Foro Interno Quotidie Occurrentium, Omnibusque, Præsertim  
Ecclesiasticis, Qui Sui, Et Aliorum Curam Gerunt, Perutilium, Resolutorum

**Leonardelli, Bonaventura**

**Augustæ Vindelicorum ; Græcii, 1739**

Q. 2. An graviter peccet, qui ad evitanda gravissima tormenta sibi falsum  
crimen imponit, propter quod morti adjudicandus est?

**urn:nbn:de:hbz:466:1-41144**

bat Archidiaconus in cap. Romana de appellat. in 6. n. 11. & ipse hoc beneficio, & remedio uti poterit, causam falsæ suæ confessionis exprimendo, quod vim tormentorum preferre nequiverit; si tamen hanc viam appellationis ingredi velit, id faciet intra decem dies, qui à die latæ sententiae numerantur. Poterit quoque Confessarius Judicem adire, eumque, furis nomine occultato, de rei causa, & veritate melius informare, eique non nulla indicia afferre, quæ Turbilianum innocentem verisimile est ignorasse, uti varium genus pecuniarum ablatarum, arcæ magnitudinem, figuram, & similia, quæ ex fure & pecuniarum domino intelligere, & cognoscere poterit, quæ forsan Judicem movere poterunt ad differendum supplicium, aut causam melius discutiendam. Securior tamen erit via, si ad Principem recurratur, & cum eo de rei veritate probè informato suppliciter de sententia mitiganda, aut rescindenda agatur.

9 An autem, si hæc omnia nihil sint profutura, antequam extremum subeat supplicium, teneatur confessionem falsi criminis sibi impositi retractare, & veritatem aprire? Negant alii cum Sylvest. Angel. v. detrac. §. 7. Less. de just. c. 11. dub. 7. Bonac. D. 2. q. 4. p. 10. Busenb. l. 4. c. 3. dub. 7. Sotus l. 5. q. 10. Tolet. l. 5. c. 66. aliisque contra Covar. l. resol. c. 2. n. 8.

Laym. l. 3. tr. 6. §. unic. aliquo que quia non tenetur cum tanto suo incommodo, & periculo novæ torturæ vitam conservare, nec famæ familie suæ consulere. Alii cum Molina D. 37. & Lug. 14. §. 10. sub distinctione melius respondent, & siquidem res sit adhuc in eo statu, ut per retractationem impediti possit mors, vel infamia & damnna aliorum, quæ inde sequentur, retractare eum debere, ne alias causam ponat suæ mortis; secùs si confessionis retractatio nihil sit profutura ad revocandam sententiam jam prolatam, nec ad ejusmodi damna impedienda. Addit tamen Molinina l. c. cum Clave Regia n. 44. Bonac. & aliis, consilendum illi esse, & ita fieri solitum, ut saltem ante mortem publicè fateatur, se vi, & metu tormentorum contra veritatem confessum esse; præterim cum tunc non amplius sit periculum, ut ad nova tormenta rapiatur, servietque id, si non ad tollendam, saltem ad minuendam infamiam familie suæ; cum multi probabiliter credent magis retractationem in mortis articulo, conscientie stimulis factam, quam confessionem præteritam tormentis extortam.

Ad 2. Q. Convenit inter DD. 10 imponere sibi falsum crimen cum periculo mortis ad vitanda solùm leviatormenta peccatum esse mortale? quia quilibet tenetur cum levii incommodo vitam propriam

B 3

cons-

conseruare : ergo exponendo illam periculo mortis ob levia tormenta delinquit graviter. An autem mortaliter peccet , si id faciat ad evitanda gravia tormenta , disceptatur inter DD. utrinque satis probabiliter. Non peccare graviter secluso perjurio , affirmant Clavis Regia cap. 3. n. 41. Less. n. 41. [Tolet. l. 6. cap. 66. Turrian. D. 54. dub. 1. n. 20. Tanner. Tom. 3. D. 4. q. 4. n. 99. Bonac. D. 2. q. 4. p. 10. Busenb. l. c. Sotus, Sylvest. Angel. aliique. Rationem dant ; quia non tenetur homo cum tanto cruciatu , & dolore vitam tueri ac custodire , sicut nec tenetur ad vitam conservandam tibiam cum ingenti dolore secare ; non enim tanto dolore digna est salus.

II Contrariam tamen sententiam tenent , ac defendunt Navar. cap. 18. n. 29. Molina l. c. n. 18. Lugo l. c. n. 174. Caramuel. Fund. 61. §. 1. n. 1278. Reginald. Covar. aliique. Moventur potissimum , ex eo , quod homo per confessionem falsi criminis sibi impositi , ex qua pena mortis incurritur , alias non incurrenda , positivè cooperetur injustæ suæ morti ; cum enim homo non sit Dominus vitæ suæ , nequit positivè ad ejus destructionem cooperari: Aliud enim est ex causa rationabili aliquid permettere , & aliud positivè ad illud concurrere , & cooperari: Unde non est paritas cum eo , qui non tenetur permit-

tere sibi abscindì tibiam , aliudve membrum cum tanto dolore & incommodo ; nam talis nullo modo se ipsum interficit , sed permittit duntaxat mortem ex morbo , aliisve causis provenientem non uendo mediis difficultimis , maxime que arduis ad eam impediendam , ad quæ adhibenda cum tanto incommodo non tenetur ; in posito autem casu non solum permittit , sed positivè cooperatur morti injustæ , & falsa confessione inducit Judicem , ut ipsum occidat , alias non occisorus , eumque graviter decipit , & judicium pervertit , estque sic talis confessio etiam mendacium graviter perniciosum. Confisi enim is , qui falso crimen affixit alteri , ob quod suppicio extremo afficiendus est , omnium sententiâ peccat graviter & homicida est , cur non etiam ille , qui sibi tale crimen affinxit , ob quod morte plectendus est ? cum neque suæ , neque alienæ vitæ Dominus existat. Sed dices ex allata ratione sequeretur , etiam eum esse causam suæ mortis , & graviter peccare , qui metu tormentorum fatetur suum crimen , quod patravit , propter quod morte plectendus est : sequela est falsa , cum juxta communissimam possit quis verum suum delictum fateri : imo se Judici sistere , ut justè puniatur pro quantitate delicti : fatendum ergo est , confitem aliquod crimen sive verum , sive falsum , non esse causam suæ mortis , sed occasionem duntaxat

præ-

præbere, qua posita Judex est causa illius mortis.

Ad hanc objectionem P. Molina l. c. illud inter utrumque assignat discrimen, quod manifestans crimen suum verum, non ponat causam suæ mortis; cùm causa mortis, jam fuerit posita; licet esset occulta, nempe ipsum delictum commissum, quod mortem meretur, & Judicem movet ad proferendam sententiam; imponens verò sibi crimen falso, nullam supponit causam positam, sed ipse causam fingit, & ponit, nempe delictum falso, quod Judicem movet ad mortem inferendam.

12 Aliter, & melius respondet Lugo l. c. videlicet posse hominem desiderare, & procurare mortem, quam meritus est, dumodo id fiat apud eum, qui autoritatem habet ad licet occidendum; potest enim homo desiderare, & petere à DEo, ut ipsum occidat ob bonum finem; potest le Judici offerre, & suum delictum manifestare, ut ab ipso justè ac debitè puniatur &c. Tunc enim homo non se occidit autoritate propria, sed procurat, ut id faciat ille, qui autoritatem habet ad id licet, & meritorie faciendum, & licet det causam aliquam suæ mortis, non tamen disponit autoritate propria de sua vita, sed movet ad id faciendum eum, qui propria autoritate potest de ipsius vita disponere;

Unde patet, cur, qnamvis liceat verum delictum Judici manifestare, non tamen liceat falso confiteri; quia nimurum occisio innocentis ipsi Judici illicita est: adeoque qui procuraret, aut vellet, quod Judex innocentem occideret, Judicem deciperet, & jam non cooperaretur suæ morti apud eum, qui autoritatem habet occidendi, sed apud eum, qui nullam autoritatem habet in eo Casu; & consequenter absque autoritate propria vel aliena ponebat causam suæ occisionis. Secus est in altero casu. Posterior hæc sententia verior videtur; Prior tamen opposita satis probabilis est, quam etiam practicè probabilem pronunciat Lugo l. c.

Ad 3. Q. Illud in primis Furandro præstandum erit, ut, si restituenda pecunia furtiva insonti Turbiliiano subvenire possit nullâ interpositâ morâ eam restituat; Confessarium verò rogare poterit, ut Judicem conveniat, furis nomen occultans, eumque de rei veritate, & innocentia Turbiliani informet, propositis, siquæ ex circumstantiis occurrent aliis indiciis. Verum cùm Index facile suspicari possit, redditionem pecuniæ non esse nomine Furandri, sed nomine Turbiliani hac via conantis se morti eripere, vel nomine consanguineorum, nec cogatur credere Confessario, utpote qui alterius verbis decipi;